

3 JON

Warage o Ayeet Jon Een Iiyu

1 ¹ Aneeta Jon o keen mayan ole o tuwento kayeedekin warage nico ineet Gayuz o kareezin didi ɔɔt. ² Laŋo o kareezin, kajinekin gɔɔn naana ineet Jook, ka kobonta kaala dook ŋaatun, ka buk nyak niina ele ci abon kiyo kaga naana abonanin ziniz tuwenta o. ³ Katalne zin ɔɔt ele, eeci iiten baal avuni ɔl o tuwento ogen ŋaato e, ivita udukta niigi tuwen unun een didi kiyo didi ano niina laadun zɔɔz o Joowo een didi o. ⁴ Katalne zin ɔɔt ele giye ci kaziikne dɔl ogan tuwento abaai baayiz o Joowo een didi o.

Atal Jon Gayuz

⁵ Laŋo ween didi, agoon gi ci abon Joowa ɔɔt ele giye ci atirte gotonogu o tuwento, mayo nuun ŋaan ga laadun niina nɔɔgo o. ⁶ Ivita zin uduktak niigi gɔɔngi o tuwento ŋaato reezinet unun. Abona zin atiriti niina nɔɔgo nɔkɔ keronnye cineer o gole ci atalnin Jooi. ⁷ Eeci niigi eeron ka kuuwayit zɔɔz o Kiristo, ma alaŋ agama niigi tirten ole o ŋaan kutuwit Jook. ⁸ Abona zin naaga ɔl o tuwento katirit ɔl nicoko, ka buk kodoye naaga dook ki nɔɔgo liŋliŋonte o uuwayi niigi kaviyak o Joowo een didi.

Má ayayizu Ditarapoz

⁹ Kayeedei iiten baale warage ci miliny ɔl o tuwento ŋinaante, bar Ditarapoz o arɔɔŋ kanyek ele kizi alaan, alaŋ arɔɔŋ kiziik zɔɔz ci kaduwai naana nɔɔnɔ o. ¹⁰ Zin tiŋeere mā kakɔ, ŋaan kaduwakuŋ kaal o ger agɔɔn niini, ki momoz o amomozet, been vɔlɔŋ o akanet niini ageet. Alaŋ zin bar agɔɔn kaal nicoko doon, bar buk abor niini ɔl o tuwento eeron ŋaati avunake niigi nɔɔnɔ ole onin. Ma buk alam niini ɔl o arɔɔŋ kitiritit gɔɔngi ci eeron o. Mā atirit eeti keerɔn, agernyek niini nɔɔnɔ, ma arɔɔŋ kɔtɔk nɔɔnɔ ole o tuwento. ¹¹ Laŋo ween didi, má ayayiz zin niina ɔl ci agɔɔn kaal ci ger o, bar yayiz ɔl ci agɔɔn kaal ci abon. Eeci eeti ci agɔɔn kaal ci abon, niini eet ci Joowo. Maje eeti ci agɔɔn kaal ci ger, ŋaan niini kaga Jook been neen.

Bonat o Dimitiros

¹² Azɔɔz ɔl dook kaal ci abon ci anaati niigi Dimitiros. Mazin didi kaal o agɔɔn niini ayelza tuwen onin Joowa. Ma kagaya naaga buk zɔɔz nici zɔɔz ceen didi, eeci kicinta naaga buk liŋliŋon onin. Ma buk agayetu niiga ageeta gi ci kaduwana naaga gi ceen didi.

¹³ Kanyei kaal ci meelik karoŋ kuduwayin. Alaŋ zin karoŋ keteyet waragewa. ¹⁴ Eeci karoŋ kiyiik taman kook kicinin naana alya ka kɔzɔɔzɔ naana ki ineet utugetine ogaac ele. ¹⁵ Abon bai abaai yaak. Azaayin laŋotugune dook ŋaato. Zaaweyet zin buk niiga laŋotigaacak dook ŋinaante.